


# 中州集

六





					漢書門
		八	八		
	七	一	五		
一	〇				
冊	架	函	號	類	

內閣文庫			
三	二		漢
五	三		
八	八		
函	一		書
二	〇		
一	九		
架	冊	號	類

內閣文庫		
番號	漢 11285	
冊數	10 ( 6 )	
函號	358	77





中州集姓氏

總目草文庫



第六卷

馮內翰璧一十五首

王內翰若虛三十八首

麻徵君九疇二十九首

劉御史從益三十三首

宋內翰九嘉一十一首

雷御史淵三十一首

卷六總目

李右司獻能二十首

王右司渥一十一首

冀都事禹錫二首

五言詩五首

五言詩五首

五言詩五首

卷六

中州集卷第六姓氏摠

終

中州集目錄

第六卷

馮內翰壁一十五首

同裕之再過會善有懷希顏

和希顏

送國醫儀師顏企賢

得請歸關中次朝賢韻

河山形勝圖

雒帥覓蘭作詩以寄

明皇擊梧桐圖

送人出使

中州集

卷六目

漢古閣

習池醉歸圖

東坡海南烹茶圖

陰晦中忽見華山

草堂春筍橫披

元光間予在上龍潭每春秋二仲月往往

與元雷游廡嵩少諸藍禪師汴公方事

叅訪每相遇輒揮毫賦詩以道閒適之

樂今猶夢寐見之兒子渭近以公故抵

任城禪師附寄詩以叙疇昔未幾駐錫

東菴因造榻間出示裕之數詩醉筆縱

橫亦畧道嵩遊舊事感歎之餘漫賦長

句二首

雨後看竝玉所控諸

峰

同希顏怪松

王內翰若虛

三十八首

攄憤

贈王士衡

貧士歎

感秋

生日自祝

失子

憶之純三首

復寄二首

病中二首

感懷

自笑

別家

慵夫自號

西城賞蓮呈晦之

題淵明歸去來圖五首

翰長閒閒公命題城南訪道圖戲作二詩

且為解之云

答鄭下禪師見戲代防禦高侯

還家五首  
山谷於詩每與東坡

相抗門人親黨遂有言文首東坡論詩

右山谷之語今之學者亦多以為然漫

賦四詩為商畧之云

王內翰子端詩近來陡覺無佳思縱有詩

成似樂天其小樂天其美漫賦三詩為

白傅解嘲

麻徵君九疇二十九首

賦伯玉透光鏡  
跋范寬秦川圖

松筮同帚顏欽并裕之賦

竹瘦冠為李道人賦

彈琴懷山中人

夏日

牛歎

清明

算春山家二首

手植檜印章

贈裕之

秋懷

和伯玉食蒿醬韻

復次韻二首

元裕之以山遊見招兼以詩四首為寄因

以山中之意仍其韻四首

許方邨即事

梁山宮圖

跋伯玉命簡之臨米元章楚山圖

秋雨小霽湖陽道中

秋望

堂谿城南感寓

俳優

李道人家山圖

李道人嵩陽歸隱圖

陽夏何正卿作疊語四句未成章予復以

疊語寄之凡四變文

紅梅

劉御史從益

三十三首

題蘇李合畫淵明濯足圖

過尉氏懷阮籍

汎舟回瀾亭坐中作

樂山松

和淵明雜詩二首

和淵明始春懷田舍

和淵明飲酒韻

臘日次幽居韻

歲除夕次東坡守歲韻

次韻別歲

次韻餽歲

清明即事用前韻

五月十四夜對月有

感

再過鄆城示伯玉知

幾

次韻閒閒公夢歸

題閒閒公夢歸詩後用杜通韻

送儀提點西歸

再賡

次韻李公度

題無盡藏

三弟手植瓢材且有詩予亦戲作

次韻三弟贈南庵老人

次韻劉少宣

酬李子遷

過洧川次侯生君澤韻

聞菴用少陵韻

除夕用少陵韻

即事

宋樓道中

過武丁廟

戲答侯威卿覓墨

止園

宋內翰九嘉一十一首

途中書事三首

館中納涼書事

東州有感

搗金明砦作建除體

被檄從軍

留別孫俊民妣公茂

酴醿菊

蓮社圖

卯酒

雷御史淵二十九首

雲卿父子有宛丘之行作二詩為餞



京外將拜婦於陳徵言為贈老嬾慶學茫  
無所得獨記其與屏山雲卿襟期所在  
者非以為詩也 同裕之欽外分韻得

莫論二字

會善寺松

玉華山中同裕之分韻送欽外得婦字

九日登少室絕頂同裕之分韻得蘿字

月下同飛伯觀畦丁灌園得畦字

濟南珍珠泉

讀孔北海傳

賦侯相公雲溪

贈陳司諫正外

濟南汎舟水底見山有感而作

洛陽同裕之欽外賦

磬母石同裕之賦 贈答麻信之

雪 宮鴉

洮石硯 馬上見樺花

并獻兄婦隱崧山有詩見及依韻奉寄

劉御史雲卿挽詞二首

題黃華江臯烟樹二首

送李執剛致仕歸洛

梨花得紅字

河山形勝圖

次裕之韻兼及玄景弟

愛詩李道人若愚崧陽歸隱圖

李右司獻能 二十首

贈王飛伯雜言一首

夜宿虛皇閣下

玉華谷同希顏裕之

分韻得秋字

四皓圖

二老雪行圖二首 別馮駕之

昆陽元夜南寺小集

追憶潁亭汎舟寄陽翟諸友

郊城秋夜懷李仁卿

題飛伯詩囊飛伯以布為囊采當世名卿

詩投其中 送王飛伯歸陽翟

西園春日

滎陽古城登覽寄裕

之  
從獵口號四首

上清宮梅同座主閒閒公賦

丹陽觀竹宮中移賜

王右司渥 十一首

穎亭  
有寄

寄京父  
餐秀軒

遊藍田  
送裕之還嵩山

附古仙人辭  
遊丹霞下院同裕之

鼎玉分得留字  
驛口橋看白蓮

蒙城縣齋  
三門津

被檄再至揚州制司驛亭有題詩譏亭和

事不成者云來往二年無一事青山也

解笑行人回為解嘲

冀都事禹錫 二首

僧房  
贈雷御史兼及松庵

馮丈

論

論之館閣臺諫與賓客言乃其選也徒以

論之館閣臺諫與賓客言乃其選也徒以

論之館閣臺諫與賓客言乃其選也徒以

論之館閣臺諫與賓客言乃其選也徒以

中州集卷第六

已集

馮內翰壁 一十五首

壁字叔獻別字天粹永安二年進士歷州  
 縣召入翰林再為曹郎宣宗朝屢以使指  
 鞫大獄權貴如婦德知府宿州總帥聲勢  
 焯焯朝廷知其跋扈而不能摧伏者叔獻  
 以法臨之毛髮不貸也幼有重名就所長  
 論之館閣臺諫與賓客言乃其選也徒以

小心奉法不畏疆禦故屢以城旦書屈之  
識者有用違其長之歎興定末以同知集  
慶軍節度使事致仕居崧山龍潭者十餘  
年諸生從之游與四方問遺者不絕賦詩  
飲酒放浪山水間人望以爲神仙焉山中  
多蘭每中春作華山僧野客人持數本詣  
公以香韻高絕爲勝少劣則有罰謂之鬪  
蘭所釀松醪東坡所謂歎幽姿之獨高者

惟叔獻能盡之客有以京國名酒來與之  
校者味殊不能近正如深山草衣木食人  
語覺傭兒販夫塵土氣爲不可嚮也是後  
松醪鬪蘭遂爲山中故事林獻少日在太  
學賦聲籍甚其學長於春秋詩筆清峻似  
其爲人字畫楚楚有魏晉間風氣雅爲閑  
閑公所激賞制誥典麗當代少見其比尺  
牘又其專門之學風流蘊藉不減前世宋

景文左丞董公紹祖奉使江左得其詩餞  
 行喜見顏間詩回韻每誦一句輒為一舉  
 觴李右司之純談笑此世為不足玩見叔  
 獻則必為之懽然王延州從之公於鑒裁  
 為海內稱首敬其名德至不敢以同年生  
 數之北渡還鄉里年七十九終于家  
墓碑云所  
 貴於君子者三曰氣曰量曰品有所克之  
 謂氣有所受之謂量氣與量備而才行不  
 與存焉本乎才行氣量而絕出乎才行氣  
 量之上之謂品品之所在不風岸而峻不

表傑而著不名位而重不耆艾而尊是故  
 為天地之美器造物者靳固之不輕以予  
 人閱百千萬人之眾歷數十百年之久乃  
 一二見之同乎其時非無孤雋偉傑之士  
 從容於禮文之域角逐乎功名之地唯其  
 俗不可以為雅劣不可以為勝故自視缺  
 然陳太丘事業無聞而名重天下房次律  
 坐鎮雅俗而舉世以王佐許之施之當時  
 未必適用然千載而下有為之歛衽者非  
 品何以得之元光正大以來天下大夫士  
 論公平生  
 者蓋如此  
 子渭字清甫以門資叙仕為密  
 院機察清慎而文天下有馮孝子之目今

居鎮陽

同裕之再過會善有懷希顏

寺元魏離宮十日來凡兩前與髯卿偕齋奠少林  
往其時已薄暮諸勝不暇訪今同魏諸孫再到風  
烟上寺僧導升殿雄深肅瞻仰柱礎門限砧追琢  
成大壯不見磨琢痕瑩滑明滉朗摩挲三歎息後  
世無此匠晚登西南亭碧玉對千丈如王宮天柱  
如太華仙掌留宿贊公房秀色夢餘想夜靜耿不  
眠泉溜琴筑響惜髯今不來聯詩共清賞

和希顏

虎守天門未易通庾塵無扇障西風主人何負盜  
憎王公論不明私害公老伏固非千里驥冥飛似  
是五噫鴻紛紛往事渠知幾都付崧巔一笑中

送國醫儀師顏企賢得請歸關中次朝賢韻

心平窟富恐欺天面有陰功蓋有年歸去青山仁  
者樂祕來丹訣老而傳尚醫冗食渠百輩公論共  
推君十全技道精微仍遠引就非輕舉亦幾仙

河山形勝圖

書劍丁年記昔游中條之麓過蒲州地形西控三  
秦遠河勢南吞二華秋晉魏兵爭一春夢漢唐壇  
祀幾荒丘披圖平古今人慨不必重登鶴雀樓

雒帥覓蘭作詩以寄

雲挿高牙画戟森春移寶檻燕堂深水南紅藥初  
退舍嵩麓紫蘭今嗣音蠶足賴肩坐香累高梁華  
棟豈渠心使君有問花應語玉樹誠佳非故林

明皇擊梧桐圖

三郎耳譜趁花奴風調才情信有餘天寶錯來非  
一拍霓裳中節亦區區

送人出使

陽春有脚蘇疲瘵水鏡無心照潔汗九道澄清天  
意切人才一一似君無

習池醉歸圖

襄漢方屯十萬兵習池日往不曾醒紛紛悞晉皆



渠輩何獨王家一寧馨

東坡海南烹茶圖

講筵分賜密雲龍春夢分明覺亦空地惡九鑽黎  
洞火天游兩腋玉川風

陰晦中忽見華山

吏部能開衡嶽雲坡仙曾借海宮春蓮峯清曉怨  
自獻二公何人予何人

草堂春草橫披

遷客倚樓家萬里五陵飛鞚酒千金草堂澹與春  
山對幽鳥一聲春已深

元光間予在上龍潭每春秋二仲月往往與  
元雷游歷嵩少諸藍禪師汴公方事叅訪每  
相遇輒揮毫賦詩以道閒適之樂今猶夢寐  
見之兒子渭近以公故抵任城禪師附寄詩  
以叙疇昔未幾駐錫東菴因造謁間出示裕  
之數詩醉筆縱橫亦畧道嵩遊舊事感歎之

餘漫賦長句二首

性理諸方已徧參  
歸來一錫駐東菴  
山中蓮社舊招隱  
旅舍阿戎新對談  
詩筆如君僧有幾  
文章媿我老無堪  
綾書大字拈香疏  
須趁微之酒半酣

又

少林脩竹欲天參  
竹外幽閒草結庵  
願我雖存惟白髮  
與君曾此共玄談  
干戈橫絕境猶夢  
草樹荒殘人豈堪  
臍甕春醪髯莫預  
商歌悲壯不能酣

雨後看竝玉所控諸峯

竝玉如高人壁立  
九千仞一日不見之  
令人生鄙吝  
春深木葉敷秀色  
益濡潤結茅寄僧  
藍晴碧時得趣  
老宿詫孫峯  
隅侍到齧亂連  
延青一色枚數  
須諦認溟濛空翠  
間我亦疑未信  
朝來雲氣昏埋  
沒瑜匿瑾如蒼梧  
政愁湘妃鬱思舜  
重陰俄解馭靈澗  
夕暉襯娟娟忽層  
出歷歷分遠近  
雲峰互吞吐千狀  
纔一瞬出奇如孫  
吳相降如蕪蘭如  
衆星

拱辰如戾伯入覲接武如芻簪承迎如价償負固  
如吳楚爭長如齊晉恠詭如夷蠻駢羅貢琛贐寤  
感如擒獲係纍將就纍如應龍神靈蟄卧時奮迅  
如天駟超軼垆牧稅羈鞫如雄對改容失箸駭疾  
震如猛士無譁攢槩俟嚴陣獨兩峰巍然魁傑儼  
崇峻光輔岳柱天鬱爲中興鎮降生申與甫周室  
債復振詩傳配崧高百世磨不磷

同系顏恠松

崧高地氣靈花木竟妍秀玉峰西南趾有松獨恠  
陋偃蹇如蟠螭奮迅如攫獸葉勁須髯張皮古鱗  
甲皴菌蠢藤癭怒支離筇節瘦月上虬影搖風度  
雨聲驟子落慰枯禪枝樛礙飛鼬盤根萬乘器平  
盖千歲壽樵斤幸免尋厦匠矧肯構龍仁會有時  
天旱期汝救

王内翰若虛 三十八首

若虛字從之橐城人承安二年經義進士

少日師其舅周德卿及劉正甫得其論議  
爲多博學強記誦古詩至萬餘首他文稱  
是善持論李屏山杯酒間談辯鋒起時人  
莫能抗從之能以三數語窒之使噤不得  
語其爲名流所推服類此釋褐鄜州錄事  
歷門山令入翰林自應奉轉直學士居冷  
局十五年崔立之變群小獻諂爲立起功  
德碑以都堂命名從之從之外若遜辭而

實欲以死守之時議稱焉北渡後居鄉里  
癸卯三月東游與劉文季輩登泰山憩於  
黃峴峯之萃美亭談笑而化時年七十從  
之天資樂易負海內重名而不立崖岸雖  
小書生登其門亦折行輩交之滑稽多智  
而以雅重自持謀事詳審出人意外謂  
從之於中外繁劇無不堪任直以投閒置  
散故百不一試耳自從之沒經學史學文

章人物公論遂絕不知承平百年之後當  
復有斯人否也子恕字寬夫

攄憤

非存驕蹇心非徼正直譽浩然方寸間自有太高  
處平生少諧合舉足逢怨怒禮義初不愆謗訕亦  
奚顧孔子自知明桓魋非所懼孟軻本不逢豈爲  
臧氏沮天命有窮達人情私好惡以此常泰然不  
作身外慮

贈王士衡

王生非狂者乃以善哭稱每至欲悲時不聞醉與  
醒音詞初惻愴涕泗隨縱橫問之無所言坐客笑  
且驚王生不暇卹若出諸其誠墜陀與生友此意  
猶未明絲深動墨悲麟亡傷孔情韓哀峻嶺陟阮  
感窮途行涕淚賈太傅音抗唐衢生古來笑者多  
其笑非無名生其偶然歟何苦摧形神如其果有  
爲爲爾同發聲

貧士歎

瓶無塵瓶無粟北風蕭蕭吹破屋入門四顧何淒涼  
 涼稚子低眉老妻笑世無魯子敬郭元振之真丈夫  
 故應餓死填坑谷蒼天生我亦何意蓋世虛名  
 食不足爭如只使冗且愚大腹便便飽梁肉

感秋

西風撼庭柯疎葉鳴榮榮天地一蕭條羈懷亦岑  
 岑青春恍如昨轉盼年半百自從長火來轉覺日

月迫切名非所慕老大不足恤怛然感時心自亦  
 不能釋清晨理短髮已見數莖白刀鐸雖可施殆  
 似兒子刺此身委蛻耳毀棄無足惜况於毛髮間  
 而乃強脩飾青青如陸展星星行復出畢竟白滿  
 頭復將何所摘

生日自祝

空囊無一錢羸軀兼百疾况味何蕭條生意渾欲  
 失清晨聞喧呼親舊作生日我初未免俗隨分略



備飾舉觴聊自祝醉語盡情實神仙恐無從富貴  
安可必脩短卒同歸何足喜與戚一祈麓康強二  
願早閒適衣食無大望但願了晨夕萬事不我撓  
一心常自得優游終吾身志願從此畢

失子

妍妍掌中兒捨我一何遠其來誰使之而復奄然  
去平生三舉子隨滅如朝露願我能無悲其如有  
天數自從學道來衆苦頗易度有後固所期誠無

亦何懼人生得清安政以累輕故婚娶眼前勞託  
遺身後慮百年曾幾何爲此離稚悞願語長號妻  
此理亦應諭

憶之純三首

幼歲求真契中年得偉人傾懷當一面投分許終  
身燈火談玄夜鬢花逐勝春何時重一笑曾次欲  
生塵

又

面目三年隔音書萬里遙宦途俱蹭蹬日事各蕭條  
志大謀常拙身孤道易消本無當世用隱處會相招

又

雋氣輕天下高情到古人銜杯曼卿放下筆老坡  
神時論誰優劣人材自屈伸窮愁須理遣不必淚沾巾

復寄二首

志大言高與世違拂衣真作竹林歸黃塵道口風  
波惡未必先生自處非

又

自笑趨塵亦強顏食謀未免敢言閒藜芝果可充  
飢腹從子玉屏巖石間

病中二首

學道今何得謀生久不成藍衫幾棄物絳帳亦虛  
名事拙應天意交疎即世情煩憂時自解感觸又



還生

又

鬱鬱窮愁意營營以病身詩情渾欲減藥物但相親未得驅窮鬼終須問大鈞三時勞慰拊甚愧故人真

感懷

枉却全家仰此身書生那是治生人百憂耿耿填胸臆強作歡顏慰老親

自笑

酒得數杯還已足詩過兩韻不能神何須豪逸攀時傑我自世間隨分人

列家

到了身安是本圖何須身外覓浮虛誰能置我無飢地却把微官乞與渠

慵夫自號

身世飄然一瞬間更將辛苦送朱顏時人莫笑慵

夫拙差比時人得少閒

西城賞蓮呈晦之  
晦之自  
號放公

舊賞回頭已隔年高花又見出新妍偶成濁酒狂  
歌會恰及斜風細雨天樂事適來偏有興閒身常  
得分無緣作詩莫恠多誇語差比放公先着鞭

題淵明歸去來圖五首  
此下皆中  
年所作

靖節迷途尚爾賒苦將覺悟向人誇此心若識真  
歸處豈必田園始是家

又

孤雲出岫算鴻飛去住悠然兩不疑我自欲歸歸  
便了何須更說世相遺

又

拋却微官百自由應無一事挂心頭銷憂更藉琴  
書力借問先生有底憂

又

得時草木竟欣榮頗為行休惜此生乘化樂天知

浪語看君於世未忘情

又

名利醉心濃似酒貪夫袞袞死紅塵折腰不樂翻  
然去此老猶為千載人

翰長閒閒公命題城南訪道圖戲作二詩且

為解之云

得道由来不必勞癡兒舍父謾逋逃閒閒老子還  
多事時向招提打一遭

又

竹木蕭森蔭綠苔幽襟自愛北軒開主人無說吾  
何問乘興而來興盡迴

答鄭下辨禪師見戲代防禦高侯

酒肆淫房總道場偶然游戲亦何妨阿師自墮泥  
牛趣更笑春風柳絮狂

還家五首

日日他鄉恨不歸歸來老淚更沾衣傷心何啻遼

東鶴不但人非物亦非

又

荒陂依約認田園  
松菊存亡不足論  
我自無心更  
懷土不妨猶有未招魂

又

山杏溪桃化棘榛  
舞臺歌榭隨灰塵  
春來底事堪  
行處門外流鶯枉喚人

又

回思夢裏繁華事  
幸及當年樂此身  
閒立斜陽看  
兒戲憐渠虛作太平人

又

艱危嘗盡鬢成絲  
轉覺謹譁不可期  
幾度哀歌仰  
天問何如還我未生時

山谷於詩每與東坡相抗  
門人親黨遂有言  
文首東坡論詩右山谷之語  
今之學者亦多以爲然  
漫賦四詩爲商畧之云

絕足由来不可追汗流餘子費奔馳誰言直待南  
遷後始是江西不幸時

又

信手拈來世已驚三江袞袞筆頭傾莫將險語誇  
勍敵公自無心與物爭

又

戲論誰知出至公蠅蚋信美恐生風奪胎換骨何  
多樣都在先生一笑中

又

文章自得方為貴衣鉢相傳豈是真已覺祖師低  
一著紛紛嗣法更何人

朝

王內翰子端詩近來陡覺無佳思縱有詩成  
似樂天其小樂天甚矣漫賦三詩為白傅解  
功夫費盡謾窮年病入膏肓豈易鐫寄語雪溪王  
處士恐若猶是管窺天

東塗西抹鬪新妍時世梳粧亦可憐人物世衰如  
鼠尾後生未可議前賢

又

妙理宜人入肺肝麻姑搔背豈勝鞭世間筆墨成  
何事此老胸中自一天

麻徵君九疇二十九首

九疇字知幾莫州人三歲識字七歲能草

書作大字有及數尺者故所至有神童之

目章廟召見問汝入宮殿中亦懼怯否對

曰君臣父子也子寧懼又耶上大奇之弱

冠任太學有聲場屋間南渡後讀書北陽

山中其詩云讀書空山裏落月低巖幽山  
鬼語夜半惟我非巢由又云壯士半

凋落鐵花始以古學自力博通五經於易

春秋為尤長少時有惡疾就道士學服氣

數年疾遂平又從宛丘張子和學醫子和

以為能得其不傳之妙大率知幾於學也  
 專故所得者深飢寒勞苦人所不能堪者  
 處之怡然不以累其業也嘗為郾城張伯  
 玉賦透光鏡欽外傳之京師趙禮部大加  
 賞異貼壁間坐卧讀之興定末府試經義  
 第一詞賦第二省試亦然簾試以脫悞下  
 第知幾先有才名又連中甲選天下想望  
 風采雖牛童馬走亦能道麻丸疇姓名正

大三年右相侯蕭公趙禮部連章薦知幾  
 可試館職乃賜盧亞榜第二甲第一人及  
 第授太祝權太常博士應奉翰林文字知  
 幾天資野逸高騫自便與人交一語不相入  
 則運去不返顧自度終不能與世合未幾  
 謝病去作詩工於賦物如夏英公篆韻其  
 云千狀萬態了不同笑鬼彌神自茲始簡  
 如危義地上畫繁如神農日中市圓如有  
 娥乙鳥卵方如姜嫄巨人履傾如怒觸不  
 周山遡如逆上蠶叢水積如女媧石未煉

碎如昆吾瓦經毀蚩尤旗張尾後曲黃帝  
鼎成足下峙五丈專車斷禹戈九日橫天  
落羿矢流漿不去龍垂鬚銜書忽來鳳挽  
鄰方相回目關關夔牛一脰踔階祀貌  
似心猜未必然賴及手植檜印章等詩可  
君注釋車南指

見也字畫正書八分皆有切詩最其所長  
少時猶失持擇近詩精深峭刻似其為人  
他文不及也明昌以來以神童稱者五人  
太原常添壽四歲作詩云我有一卷經不  
用筆寫成展開無一字晝夜放光明合河

劉滋文榮六歲有詩云鶯花新物態日月  
老天公劉徵伯祥七歲被百賦鳳皇來儀  
新忌張漢臣世傑五六歲亦召入賦元妃  
素羅扇画梅云前村消不得移向月中栽  
其後常隱居不出餘三人者皆無可稱道  
獨知幾能自樹立一日名重天下耆舊如  
閒閒公且以徵君目之而不名也壬申歲  
遇亂卒年五十平山常仲明之子德葬之



小商橋傍近趙莊

賦伯玉透光鏡

太陰淪魄元不耀太陽分光成二曜嗚呼怪銅盜  
 此幻透影在壁與背肖奩開燿燿光走庭劃如刺  
 犀乍脫鞘泓澄秋落百丈潭疑有龍向天門跳秦  
 娃漢婉化鴛土寵雨恩雲埋鳳詔當年樹塗鑑桃  
 李身後泉臺暝蓬藿枕簟無情草木香笙歌不暖  
 巢狐嘯鬪醜一醜不再妍不知持此將安照萬斛

珠璣委備人喚得偷兒成鬼剽借問金椎一控時  
 何如海上青蠅弔壽如金石佳且好此銘此篆兩  
 奇峭今誰子後曩誰先贏得紐樞經蟻竅千古繁  
 華一夢醒恍然入手稱神妙丹砂□紫翠羽青萬  
 金難買人年少君羨新自洛陽來玉臺人物今温  
 嶠相看大笑古人癡收鏡入奩還自笑  
 跋范寬秦川圖

山水人傳范家筆画史推尊為第一揭來回看秦



川圖天下丹青能事畢、大山巖巖如國君、小山鬱鬱如陪臣、大石盤盤社與稷、小石落落士與民、一山一形似爭長、一石一態如布軍、想君胸中有全秦、見鍊削鍊鍊乃真、掌上長安近於日、千樹萬樹生青春、憶昔岐山鳳皇語、慙慙柞棧霑新雨、昆夷束手密須降、不見功勳見歌舞、黃金鑄牛西入爨、五丁雲棧通中國、驪山宮闈九天高、六處羸王走銜璧、不信詩書信法家、關東半被魚書惑、畫卷圖

籀亦大好、五十年兇都一掃、章邯董翳舉如毛、沐猴冠委金陵道、北原兵自矢而下、漢室傾頽如解瓦、祁山六出縱無功、渭水猶堪飲君馬、螭蟠老将骨未朽、草付那能濟陽九、技癢投鞭抵歲星、歸來鹿死何人手、神武空矜賀六渾、投機常落周人後、竟令馮翊軟沙邊、東風一夜吹新柳、優尋阜角相料理、拋擲龍津浮汴水、鷓頭過處已非隋、不覺晉陽人姓李、華清高宴憂宮梧、舞馬如何護兩都、縱

得青騾還蜀道、肉得沙場白骨無、興亡自取不足  
吁、可憐神州為盜區、貪徵往古山川事、忘却題詩  
賞畫圖、

松篔同希顏欽叔裕之賦

犧尊青黃災木命羈絆剪剔傷馬性折松為篔得  
之天此君幸免戕殘橫初象形似有代無不料竒  
功乃差勝人間斤斧不須勞坐中活火鳴笙簫千  
秋壑骨養霜雪一日奮鬣翻雲濤巖烟擊拂殷雷

起顛風蹴踏銀山高莫嫌勺水懦無力如捲三江  
都一吸借汝歲寒姿扶我衰朽質埽除幻夢不到  
眼洗刷埃霾下胸臆捫霞直與羨門期一笑桑田  
海波白

竹癭冠為李道人賦

東方有物字豐隆以鳴為職驅群靜萬頭濺濺囚  
凍窟欲出不出愁天公迴寒作暖出一噫黑帝不  
敢藏昆蟲所以獨為六子長揮斥元氣周神功車

中州集 二十四  
轟鼓震頃萬里六甲雲風隨喚起四陰用事合收  
聲猶奮狂陽鳴不已號令非時遭物玩草木不凋  
花再蕾惱得司秋訴帝闈漏泄機緘法當死天公  
大恠下極枯推落車中墮巖谷非程非馬亦非人  
化作蒼莨一枝竹勁氣剛風難遠銷夜間風雨猶  
蕭蕭儻身直上三千尺天公又恠千雲霄鬼豎神  
縛不聽出只見白雲鎖三日雲散惟餘青屈盤頤  
隱於臍變仙質道人真是萬物盜斫取爲冠就天

巧秋霜爭敢上頭顱常與春風同醉倒此冠固奇  
惜未大有冠獨在方之外日月爲藤織四時煙霞  
爲樺綿千載天潢絕漢梁虛碧北斗旋衡簪沆瀣  
不隨脂粉侶俊猊不逐風霜陪獬豸一任旋乾復  
轉坤頭上峩峩終古在欲作檀那施此冠不識先  
生若爲戴

彈琴懷山中人

門前雪垂垂室中理朱絲手按十三徽心飛天一

涯故人渺何許萬里驚鴻飛試憑朱絲語一聲聲  
亦悲一彈雪欲落再彈雪正作只在此山中故人  
今憂樂我欲彈文王岐山雲渺茫我欲鼓曾子無  
田可耘耔道遠望不及千山復萬水思君復思君  
正恐須髯皤后夔若不来奈此宮商何春風早晚  
起百鳥喧庭柯時攜一尊酒爲君奏雲和

夏日

亭柯碧合龍蛇影睡起轆轤鳴曉井一簾曉雨捲

不晴槐花滿地黃金冷屈指西風又到門相思團  
扇欲生塵何時萬戶垂楊裏高揖金鞭逢故人

牛歎

誰憐宿料一生無身後仍遭金十奴帷蓋却教蒙  
狗馬不知何事負農夫

清明

村村榆火碧烟新拜掃歸來第回辰城裏看家多  
白髮遊春總是少年人

算春山家二首

山烟向晚白濛濛人過梨花樹底風一犬不鳴村  
徑黑野燈孤起遠林中

又

語闌壯氣欲消磨奈此青燈永夜何壁上取琴彈  
一曲不知天外落銀河

手植檜印章

梁折山摧入小成日華留得寸輝明不盈一握空

蟲篆未喪斯文麓姓名草木西周朝有算圖書東  
觀死猶生二千年後司封紐未信裁時出此情

贈裕之

向來三度見君詩常望西山有所思誰料并州天  
絕處相逢梁苑雪消時賢人樂古聲猶在聲叟文  
高世豈知只恐神嵩不留客秦川如画渭如絲

秋懷

江山如画衣冠盡蒲柳無  
情宮殿秋亦用此韵者也

昨夜新涼御褐裘一番節物弄清愁月懸雙杵若

爲夜人在一隅偏覺秋敗葉只能驚画扇啼螿終  
不到朱樓還鄉夢斷寒衾曉依舊雲山是蔡州

和伯玉食蒿醬韻

九尺東方生不如一侏儒飲啄各有程厚薄與生  
俱文蒲及屈芟何乃淡以枯正如謝三旌甘心作  
羊屠伊蒿本薪材豈足克庖厨薄雪草堂徑新霜  
古城隅河南地差暖冬有不死蕪青來澗邊宮綠  
入几上盃微香能侶菊小苦賢於茶酷烈變醞醢

薰醲破脂酥書生喜倒說食亦變精麗借問冰茶  
者何如羔酒乎况爾蓼彼蕭蓬茹固其徒偶然躡  
一等遠欲忘樵夫邇來歲頗飢太半殫在途攘肉  
或至犬首丘不如狐命賤祇求死計窮文議逋尚  
有紉袴兒朝夕食於株寧知埽野稗一飽不易圖  
遂令人輕生不畏鎖與鉄如君有蒿醬猶是千金  
軀

復次韻二首

五臟太多可張頤託懼儒自非何曾家安得海陸  
 俱莊周幸有粟不至魚肆枯何勞夷門市下車朱  
 亥屠春韭與秋菘歲晚不供厨蒿腹不蒿目大方  
 果無隅為醬非負口猶勝范菜蕪豈無青精飯駐  
 顏炊一盂豈無菖蒲歌辟邪如神茶又豈無柸花  
 除瘟等醪酥蒿於數品中頗同武官簾數品雖異  
 饌置之醬可乎猶材各有施豈必皆吾徒公綽優  
 為老劣於滕大夫大抵食如士取之非一塗君詩

誌其味食經有董狐彼哉龜羹指斲棺終莫逋彼  
 哉萍蘆手竟死珊瑚株寧如醬以蒿不出本草圖  
 蓋後人好奇一洗腥砧鉄為謝饒崇鬼渠今離我

軀

又 翌日又為履道所戲其意似歛  
 窮吾技再和前章書呈伯玉

菽可為炙啖博哉釋草儒奈何騷人詠不與蘭茝  
 俱青青發陳荻嫩豚稊生枯面柔似張禹氣冽如  
 申屠忽逢易牙口一日登君厨君兄昔在日作事



太廉隅宦游三十年不治一室蕪嘗載米之郡政  
 如置水盂不義獲八珎棄之猶莖茶相對話終日  
 茗椀無鹽酥見客惟恐遲遇飯不擇簞無食但有  
 名窮不亦宜乎我本寒素士卧雪袁司徒臭味偶  
 相似豈是敦薄夫見君食蒿醬取嘲於仕途和君  
 蒿醬詩緼袍隨衣狐詩醬兩情苦此債無由逋蒿  
 荻無棄材奈此蒼松株何當列劔甕一依饗禮圖  
 唯聞廣廷樂不見轅門鈇此山雖無醬猶堪養羸

軀

元裕之以山遊見招兼以詩四首為寄因以  
 山中之意仍其韵

石華政可採負我孤舟蓬胡為紅塵裏擾擾槐安  
 宮山間綠蘿月一照千巖空洪崖去不返清游誰  
 與同空餘松根泉雜佩流無窮人心隨泥滓不如  
 與天通舉頭視霄漢浩露洗心胸

又

日月兩角蝸天地一粒粟老盆可徑醉豈擇瓦與  
玉大笑區中人朱門丐梁肉清曉登少室日夕眺  
玉屋紫煙晞吾髮碧霞貯我腹溪中有白雲萬事  
付濯足物物愜幽情不獨蘭與菊

又

南風入桂樹高葉碧崢嶸舉手戲攀折上與雲煙  
撐黃金間白玉遍地先晶熒笙簫坐間發鸞鶴空  
中鳴浩歌山谷應起舞衣裳輕一尊石上酒如我

浩氣盈目送飛鴻盡青雲萬里平

又

國風久已熄如火不再然流為玉臺詠鉛粉嬌華  
年政須洗妖冶八駿踏芝田青苔明月露碧樹涼  
風天塵土一一畫象緯昭昭懸窳窳抱玉舞爭竟  
搖尾憐幸有元公子不為常語牽

許方邨即事 聯句

披熱達許方山巔青漫漫野黃麥初割畦綠蔬纔

灌春籬綠葉深巷樹春花亂煙長見新冶風遠聞  
清鍛濯衣女在溪販鐵人棲館墻危壘破石路黑  
沾遺炭山雲頃刻雨沙地須臾曠鐸鳴駕犢畊罩  
密防雞散縹餘殘繭挂釣罷么絲貫沽酒有客賒  
鬻李何人喚朴慙官始威牒煩民更玩歷險小車  
多逢人黠衣半縣遠肉難求山近寇可遣何當卜  
隱居尋我杖藜伴

梁山宮圖

梁山宮高高切雲秦家簫鼓空中聞宮殿作雲王  
作龍何人敢謁瀉池君珠圍翠繞窮天下道上行  
人衣半赭不覺生靈血液枯化爲宮上鴛鴦瓦朝  
盧生算侯生師事二人學兼門焉知以政蔽其身  
神仙亦死何曾神空能詐取六孱國不識盧生真  
間客種成間隙盧生去尚令道士作鬼語祖龍竟  
隋此機中以辭見欺猶未悟魚腥引得扛鼎來梁  
山火滅漢旗開何如後世丹青手一夫不役千樓

臺梁山之圖却傳世梁山之宮安在哉

跋伯玉命簡之臨米元章楚山圖

巴東峽壁如駁霞天鑿荆門當虎牙下有奔湍沉  
碧沙直衝北固如投家雲煙昏曉互明滅朝看沃  
日暮吞月遠山如指近如拳過客那知空一瞥高  
人廬此恨來晚不厭孤篷疊往返莫言造物好窮  
人許大乾坤富君眼以心爲鏡照諸山山如人面  
紛殊顏扁舟日日青山上青山却在滄波間人道

癡兒固貪取我怪高人亦如許已將胸次衽長江  
更把豪端扛巨楚薺列楓林葉浮舸巧促魁梧入  
么麼丈尋收拾無邊春千里遊邀坐中我自此頭  
吳尾甌越蠻烟五月髡人髮江山多處乃爾毒始  
信中原天下甲楚山可覽不可上水氣昏昏且多  
恙画山縱不到真山有楚之峯無楚瘴靜明居士  
見山饒想在菴中得飽叅戲呼老李臨君画已坐  
君貪我更貪

秋雨小霽湖陽道中

一雨初晴菊瘁花朝來啼殺報晴鴉地隣異域空  
懷古人對殘秋更憶家十月紅爐是明日往年新  
火醉流霞恁恁又上湖陽道何處還堪駐客槎

秋望

雲氣東南壯風煙正北長遠人投屋小寒草帶城  
荒馴鴨便秋潦飢牛背夕陽閒情儘堪画未要雨  
浪浪

堂谿城南感寓

斷岸崩崖帶草長茂林高塹晚生涼田頭經水成  
駒卧雲色因風變狗蒼戰地尚餘唐壘柵故城曾  
入楚封疆牛童趁日貪捫蝨那解興亡事可傷

俳優

施能賣晉移君貳旃解譏秦救陸郎多少諫臣翻  
獲罪却教若輩管興亡

李道人家山圖

見說高齋住太行溪山襟帶古祠堂  
圭桐葉落周家雨鐵樹根盤晉國霜  
烽火不堪畊夜月画图猶可挂殘陽  
自憐不及汾州鴈春去秋來過石梁

李道人嵩陽歸隱圖

城郭維崇井里維通冠蓋維錯紉綺維襲云誰之  
子招子歸嵩舍我箏筑樂彼潺淙食彼瓦缶遺我  
鼎鍾云誰之子繪子歸嵩離人友鹿避俗朋松石  
啗我足泉瘦我隴吾恐時人笑子歸嵩有山有怪

有水有龍盜出寇沒嘯兇咻熊吾恐狂人誑子歸  
嵩子謂我言決意歸嵩歸嵩何如如鴻避弋如鶴  
脫籠與幻俱化與化俱融是以歸嵩南山重重翠  
如植葱北山隆隆紺如堆銅仰嵩俛嵩雨濯雲烘  
嵩之爲我我之爲嵩我聞子言衣如張風心先去  
鳥層雲盪胸靜言思之富爲目嵩貴爲心蓬飾說  
于今詎知任公歸嵩良是生龜脫筒子不歸嵩送  
子歸嵩

湯夏何正卿作疊語四句未成章予復以疊語寄之凡四變文

緼緼蠢蠢何等民矯矯亢亢內守貞昂昂藏藏獨異俗落落莫莫不猷貧婦與婦與且餬口鳳兮鳳兮德衰久樂云樂云無絃琴命乎命乎一杯酒匪鱸匪鮪故爲藏避言避世必也狂至大至剛秣吾馬爰清爰淨脩我墻用之捨之時所係晉如摧如寧復計暖然淒然任春秋優哉游哉聊卒歲

紅梅

一種冰魂物已尤朱唇點注更風流歲寒未許東風管澹抹穠粧得自由

劉御史從益

三十三首

從益字雲卿南山翁撫之曾孫大安元年進士拜監察御史坐與當路者辨曲直得罪去久之起爲葉縣令脩學講義徭善抑惡有古良吏之風葉劇邑也兵興以來戶

減三之一田不毛者萬七千畝其歲入七萬石故在也雲卿請於大農為減一萬民賴之流亡歸者二千餘家未幾被召百姓詣臺乞留不聽入授應奉翰林文字踰月以疾卒時年四十四葉人間之以端午罷酒為位而笑且立石頌德以致哀思之心焉雲卿博學強記於經學有所得為文章長於詩五言古詩又其所長雷御史說雲

卿在太學時年甚少嘗有詩云黃金錯落雲間闌紅粉高低柳外墻時輩皆推服之

其卒以詩得名者固已見於此矣

雲卿詩如荒烟

斜日村村晚衰柳寒蒲岸岸秋雨鄉音寓風驚面千里相望月滿襟子美不妨衣露肘長卿猶有賦凌雲春雪云千層寶樓閣一片玉山川臨終云壞壁秋燈挑夢破老梧寒雨滴愁生此類甚多不能悉載也有蓬門先生集行於

世二子初字京兆郁字文季俱有名於時

題蘇李合画淵明濯足圖



天機本自足人事或相須東坡画三昧迺與龍眠  
 俱黃州富丘壑餘杭渺江湖已困口嘲弄更堪手  
 糊塗其來本游戲所到非功夫平生斜川翁尚友  
 千載餘可聞不可見風標定何如笑倩李居士爲  
 予巧形模臨流想有詩滄浪元非漁不入聲利場  
 政恐吾足汗二公有深意百年番此圖不著色塵  
 相澹然如游天地初主人牢緘滕丹青有淪此不  
 淪

過尉氏懷阮籍

朝來國門遊莫抵蓬池宿有懷阮步兵豪氣無檢  
 束嘯歌陟高臺長風振林木老眼何曾青四海無  
 一物萬古番詩名九原銷醉骨居然方丈家惜也  
 微瑕玉塗窮道不窮先生安用笑

汎舟回瀾亭坐中作

昔年醉回瀾猶恨身屬官今年邂逅來身與亭俱  
 閒洗心亭下水照眼亭西山溪山如故人喜我復

來還有酒澆我胸有花怡我顏  
鞞鷹乍脫臂但覺天地寬  
山陰忽回船夜闌情未闌

樂山松

樂山一何崇上有千歲松  
清孤月露底秀拔天地  
中蒲柳抱常質桃李開芳容  
爭如十八公笑傲冰霜風  
居然喜避世不肯汗秦封  
蟠如北海螭伏如南陽龍  
紛紛過者多匠石終不逢  
明堂幾時構喚起蒼髯翁

和淵明雜詩二首

俗士苦紛競此心本無塵  
功名迺外物了不關吾身  
吾身復何有形神假相親  
天地開一室日月挾兩鄰  
有生即有化如晏之必晨  
但得酒中了亦足稱達人  
揮戈欲却日小力自不量  
何如任天運閉門坐齋芳  
詩書列四隅著我於中央  
夏卧北窗風隆冬曝朝陽  
但有藜藿羹亦足克飢腸

又

少爲飢所驅老爲病所迫人生能幾何東阡復南  
 陌急須沽酒來一笑舉太白浩歌草木振起舞天  
 地窄同歡二三子誰主復誰客浮沉大浪中畢竟  
 歸真宅歲月去何速老炎變新涼游子久不歸回  
 首望大梁風埃慘如此何處真吾鄉野菊明落日  
 林楓染飛霜勸我一杯酒悠然秋興長

和淵明始春懷田舍

家食自不惡菽水甘清貧學道未有得讀書亦良

勤雖勤竟何補俛首愧古人靜言閱世故來者日  
 月新况復抱沉疴百憂無一忻安得衛生訣益我  
 華池津况如一夢覺不與萬法鄰野人借問我恐  
 是劉遺民

和淵明飲酒韻

日入了公事援琴洗塵喧秋堂一燈明清響到夜  
 偏彈罷枕書卧渺然夢青山山英向我問君駕何  
 時還家僮忽喚覺惆悵不能言

臘日次幽居韻

世務方擾擾人生何營營  
 不如不出門坐頭天地  
 情泰中有否來陰極即陽生  
 掀髯一笑起窗外風  
 鐸鳴看雲偶獨立踏雪時閒行  
 最愛朝日升負暄  
 向南榮

歲除夕次東坡守歲韻

人生都百年誰問鬪龜蛇  
 容顏鏡中換老醜不可  
 遮殷勤守此歲來歲復如何  
 南鄰祭竈喧北里驅

儻譁須臾罷無為但聽樓鼓搗  
 明朝四十過算景

真易斜初心自慷慨白首還蹉跎  
 寄語少年子雖

健不足誇

次韻別歲

一日復一日其來不肯遲  
 一冬復一春既去誰能

追問歲果安往惜不知津涯常於歲  
 除夕知是相

別時鄰翁慣禮餞買酒烹鮮肥  
 百挽不得留一別

那須悲年年例如此華髮吾何辭  
 惟有學道心自



覺老不衰  
 次韻餽歲  
 親朋餉無時  
 鄰里歡有佐  
 况當歲之終  
 可以具百  
 饋禮意各示  
 勤手段不妨  
 大我貧無徒  
 還閉戶但  
 高卧藜羹且  
 充腸珍味不  
 登坐猶勝許  
 文休衣食  
 出馬磨自非  
 揚子雲載酒  
 何人過空吟  
 餽歲詩自  
 歌還自和

清明即事用前韻

一度清明了一年  
 温風嫋嫋雨班班  
 幾家繡幃尋  
 芳去何處  
 蹇驢馱醉還  
 宿草新墳驚世短  
 落花流水占春閒  
 曉鶯啼破松窗夢  
 缺月東南挂屋山

五月十四夜對月有感

世事易隨雲變滅  
 人生難保月團圓  
 淮陽旅舍三年夢  
 河朔風聲五月寒  
 何處雲山端可老  
 向來天地為誰寬  
 宦游脚底生荆棘  
 蜀道而今却不難

再過郾城示伯玉知幾

三年兩度過激陽鞍馬紅塵道路長花月不應知  
我老溪山也解笑人忙朔風凜凜頻驚坐夜雨蕭  
蕭偶對床他日水南營葬地愧無遺愛在桐鄉

次韻閒閒公夢歸

省間喜色幾時黃滿貯羈愁著瘦腸萬里鄉關飛  
不到十年歧路走空忙盃心蘸月松梢影鼻觀通  
風柏子香最愛南山舊山色夢中相覓不相忘

題閒閒公夢歸詩後用并通韻

學道幾人知道味謀生底物是生涯莊周枕上非  
真蝶樂廣杯中亦假蛇身後功名半張紙夜來鼓  
次一池蛙夢間說夢重重夢家外忘家處處家

送儀提點西歸

自斷平生不問天拂衣歸去任吾年五侯鯖飽無  
多味九老圖成又一傳回首京華瞻日遠放懷鄉  
社得天全綸中醉卧咸陽市始信人間有散仙

再賡

人定端能坐勝天，刀圭有力制頽年。道非出世頭  
頭是丹，不遺經口口傳陰魄，沉迷終鬼錄。陽精飛  
鍊即神全，三山縹緲誰能到。目下身安亦是仙。

次韻李公度

併有儲糧鬢有絲，蹉跎歲晚坐書癡。朝川画隱王  
摩詰，錦里詩窮杜拾遺。應舉尚陪新進士，主文半  
是舊相知。春闈看決魚龍陣，未必尖錐勝鈍錐。

題無盡藏

梁斗南  
所藏画

誰開天地祕密藏，今古人間用不窮。眼尾搖光千  
丈月，耳根傳響一溪風。勝游赤壁文章在，高卧燕  
山氣象同。二老風流渺何許，後生猶可画圖中。

三弟手植瓢材且有詩予亦戲作

為愛胡盧手自栽，弱條柔蔓漸縈回。素花飄後初  
成實，醜蔭濃時可數枚。試問老禪藤繳去何如，游  
子杖挑來早知瓠落終無用。只合江湖養不才。

次韻三弟贈南庵老人

一庵盤礴勝巢仙不入叢林恰是禪  
 花圃蓮塘閒打景粥盂齋鉢老隨緣  
 忘言已了公千偈適意更揮三兩絃  
 邂逅我來推不去坐分一半好風煙  
 次韵劉少宣  
 旅窗蝶夢曉驚回默數流年祇自哀  
 與世迂踈甘袖手及身强健且銜杯  
 桐凋翠葉看看盡菊著黃花旋旋開  
 杖屨南庵訪幽事秋光滿眼送詩來

酬李子遷

曾著朱衣侍冕旒忽乘羸馬出皇州  
 青山有約攜琴往白髮無成把鏡羞  
 却笑張儀誇舌在不妨巢父有詩畱  
 柳湖莎徑東南夢又見兒童逐細流

過涪川次侯生君澤韵

誰能孤憤效韓非且喜玄微對鏡機  
 出得山來無遠志寄將書去有當歸  
 閒居已判平生了真賞從教舉世稀  
 日咀道腴深有味更須口腹事甘肥

聞菴用少陵韻



唧唧不堪聞村居更惱人青衫傷久客華髮念雙  
親歲暮那逢雨秋宵未向晨石心猶可轉百感本  
來真

除夕用少陵韻

窗送迢迢漏燈開艷艷花正愁聞過鴈久客羨栖  
鴉放眼春猶好驚心日又斜一蓑江上雨歸思浩  
無涯

即事

卧疾劉公幹縣畊鄭子真溪山番好客天地許閒  
人花醉紅沾袖松吟翠繞身捫心無所歎持此壽  
吾親

宋樓道中

十里羊腸路詰盤過花穿柳幾迴還馬頭忽轉青  
林角綠繞人家水一灣

過武丁廟

早則為霖水則舟若人端合夢中求荆王枕上陽

臺雨板築英雄老死休  
戲荅侯威卿覓墨

萬松火厄化緇塵依舊徂徠雪裏春  
冷劑香螺夔一足破慳分與画眉人

宮中取張遇墨燒去膠以之画眉謂之画眉墨

北園

岩梧斜影落胡床白葛烏巾滿意涼  
寡坐不知紅日晚筭輿歸路麥花香  
宋内翰九嘉

九嘉字飛卿夏津人黃裳榜進士乙科歷

藍田高陵扶風三水四縣令皆有能聲入

為右警巡使應奉翰林文字正大中病失

音廢居歿於癸巳之禍嘗有詩云浩歌風

露下醉袖拂南山又題壽安烟霞亭云粧

鑿土壁紅千點界畫銀沙綠一鈎其才藻

可畧見矣

途中書事三首

幼穉扶輪婦挽轅連顛翁媪抱諸孫飢民羸卒如  
流水掘盡原頭野薺根

又

老穉扶攜訪熟鄉驛塵滿路殢相望終朝拾穗不  
盈把只有流民如麥芒

又

攘絲奪麥人爭略烘日吹風天有年湯餅元非小  
人腹蠶絲都作大夫賢

館中納涼書事

涼洒塵纓曠耳醒虛堂窈渺好風清雀知愛子來  
迴哺鼠不畏人笏午行每用熟眠酬閨寐端知固  
有享高明宦遊非不佳官府奔走塵勞漫一生

東州有感

東城衰草沒黃沙故壘周遭小范衙牧豎那知真  
老子龜趺繫馬卧吹笳

搗金明砦作建除體

建牙誓諸將梟鳴軍盡驚除道非戰事銜枚幻竒  
 兵滿鎧霜日輝行陣寂無聲平旦飛出谷桑棗菽  
 金明定知此陳迹中原遮寇城執鞭吾不及范公  
 凜如生破碑字仍在巔巔卧深荆危襟按其壘信  
 哉天下英成敗翻覆手狐兔今橫行收復會有時  
 夷吾當請纓開圖睨替亢按劍逐長鯨閉塞亦已  
 久一揮氛曠清

被檄從軍

不巾不襪柳陰行朝醉南村算北庄一旦捉將官

裏去直驅盲馬陣中央

即所乘盲馬而言

番別孫俊民姚公茂

草根殘日射離觴主席風生熱肺腸此去兜零紅  
 照夜輸君吹笛倚糟床

酴醿菊

酴醿風味醺人醉著莫東籬愛酒翁一夜金英全  
 換骨冷香晴雪滿秋風

蓮社圖

野鷺家雞俗好乖虎溪泉石滿塵埃壯哉砥柱顏

波裏惟有淵明挽不來飛卿不喜佛法自言平生有三恨一恨佛老之說不出於孔氏前二恨辭學之士多好譯經潤文三恨大才而攻異端淵明挽不來之句蓋自况也

臘蟻初浮社甕筍宿醒正渴卯時投醉鄉兀兀陶

卯酒

陶裏底事形骸底事愁

雷御史淵二十九首

淵字希顏別字季默同知北京路轉運使

事思之季子崇慶二年黃裳榜進士甲科

釋褐涇州錄事徐州觀察判官召為荆王

府文學兼記室叅軍轉應奉翰林文字同

知制誥兼國史院編脩官拜監察御史以

公事免用宰相侯莘卿薦除太學博士還

應奉終于翰林脩撰初在東平東平河朔

重兵處也驕將悍卒倚外寇為重自行臺

州集

卷之六

汲古閣

以下皆務爲摩拊之希顏蒞官自律者甚  
巖出入軍中偃然不爲屈不數月閭巷間  
家有希顏画像雖大將亦不敢新進書生  
遇之嘗爲戶部高尚書所辟權遂平縣事  
時年少氣銳擊豪右發姦伏一縣畏之稱  
爲神明及以御史巡行河南百姓相傳雷  
御史至豪猾望風遁去正大庚寅倒廻谷  
之後希顏上書破朝臣孤注之論引援深

切灼然易見而王兵者沮之榮爲不行至  
今以碩望爲當國者之恨希顏三歲喪父  
七歲養於諸兄年十四五貧無以爲資乃  
以胄子入國學便能自樹立如成人不二  
十游公卿間太學諸人莫敢與之齒渡河  
後學益博文益竒名益重爲人軀幹雄偉  
髯張口哆顏渥丹眼如望羊遇不平則疾  
惡之氣見於顏間或嚼齒大罵不休雖痛

白摧折然粹亦不能變也生平慕田疇陳  
元龍之為人而人亦以古人期之故雖以  
文章見稱在希顏仍為餘事耳

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦冲  
融獨有石間柏不落鼓舞中期君如此木歲晚延  
清風

又

漢庭議論學傾耳待歆向君家賢父子千載蔚相  
望讀書二十年閉戶自師匠異端絀偏雜陳言刊  
猥釀剛全百鍊餘氣出諸老上頽風正波靡去去  
作隄障

京叔將拜埽于陳徵言為贈老嬾廢學茫  
無所得獨記其與屏山雲卿襟期所在者  
非以為詩也

梁苑池塘生綠烟吹臺草色春芊芊故人幽扃閉

長眠氣槩英英猶眼前陽春無力蘇重泉孝子感  
時涕泗漣副副埽埽淮陽阡微予贈別意拳拳我  
自頑頓須人鑄安能視後輒子鞭姬情孔意星日  
懸翰旋萬化中持權斯文興喪實關天尋常墨客  
技藝然醫巫星曆相比肩何用雕琢空徂年即今  
海縣謾腥膻獨挽洙泗可洗滌迺公有志屏山賢  
二豪在日予牽連傷哉未售墳已顛老我欲種南  
山田子之兄弟其周旋事業絕勝空言傳

同裕之欽叔分韻得莫論二字

幼安謝辟命子雲老寂莫趨嚮豈獨異時命非所  
度我久困流離一壘求負郭雖無斬敵功尚舉力  
田爵崧少啓吾封四履盡伊落有客來問津醉眼  
入窠廓世事久閉眼終日只睡昏清風何處來佳  
客已在門倒屣往從之玉色向我溫妻孥趣作具  
歡喜傾瓶盆清夜襍被往共就遺山元嘲謔及俳  
語發揮間微言懸斷漏天樞高嘯驚鄰垣昭合政



相和意到俄孤騫恨不倒困廩矧肯畱籬樊弄齋  
 獲珠玉披榛見蘭蓀我肱已三折醉隨偶全渾知  
 無適俗剖量力任灌園二君清廟器巾綦華鬪  
 蒼生望休息朝廷待崇尊出處既異途會合難預  
 論此樂未易得此夕勿憚煩白酒舉初子黃雞溷  
 諸孫水樂喧後部山鬟秀前軒一醉萬事休商聲  
 滿乾坤

會善寺怪松

物生自有常恠特物之病嗟嗟此老蒼恠恠生魁  
 柄侏儒感髀股宿瘡攤腮頭蛇涎蛟龍戲騰擲羆  
 虎競須髯喜張磔意氣怒狂迸匠石求棟楹節目  
 足譏評芻蕘急薪槩堅悍空盻瞪靜言觀倚伏未  
 易相吊慶雖違時世用願免斤斧橫陽秋莫榮悴  
 歲月何究竟盤盤曲則全挺挺獨也正小草悞埽  
 迹伏神還守性儻隨天中景廣宇共寐暝  
 玉華山中同裕之分韻送欽叔得埽字

洗耳潁川水療飢西山薇山川得佳客草木生光  
 輝末路風教薄此道日已微相期千載事非君誰  
 與歸

九日登少室絕頂同裕之分韻得蘿字

閒居愛重九佳人重相過登高酬節物少室鬱嗟  
 峨逆灑謝塵土夷猶出煙蘿歛如據鼉頭萬壑俯  
 蜂窩浩浩跨積風瀾瀾渺長河日車曷紅輪天宇  
 凝蒼波指點數齊州始覺氛埃多我無倚天劍有

淡空滂沱驚鱗盼奧渚倦翼占危柯悔不與家來  
 結茅老巖阿埽途矇老阮廣武意如何

月下同飛伯觀畦丁灌園得畦字

村居鄰老圃喘汗憫夏畦輶轡健晚涼月輪轉天  
 蹊剡剡金融溝涓涓冰泮溪黃萋漸蘇息綠潤俄  
 淒迷生意續夜氣甘滋泱新萸風露觸處香河漢  
 望中低野人無遠謀且喜豐食鮭雖愧下帷董稍  
 悟養生嵇埽懷自浩然流光挹平西

濟南珍珠泉

大地萬寶藏玄冥不敢私  
 拱開青玉罅渾渾流珠  
 璣輕明疑夜光潔白真  
 摩尼風吹忽脫串日射  
 俄生輝有時如少靳膩  
 沸却纍纍風色媚一川  
 老蚌初未知君看一日  
 間巧歷所不貴遊人隨  
 意滿不果乾沒兒吾謂  
 歷下城繁華富瑰奇貧  
 夫死專利帝意怜其癡  
 故露連城珍可玩不可  
 幾若曰天壤間所遇皆  
 汝資何必秘篋笥自貽  
 伊瑕疵詩成一

大笑臆說量天機

讀孔北海傳

漢室風流絕建安老瞞父子力排山  
 可憐魯國真男子也着區區七子間

賦侯相公雲溪

相君襟度本汪洋戲鑿陂池便渺茫  
 解起晴雲作霖雨更邀明月貯清光  
 千重複嶺藏仙境萬斛香泉釀  
 醉鄉畢竟麟符拋不得烟波空效五湖蒼

贈陳司諫正升

洗兵有志挽天河補袞剛  
番諫諍坡賦出石暘還  
婉麗政成鐵面却中和  
寒侵桃李淒無色雪壑池  
塘慘不波急手尊前謀一醉  
六街塵土浣人多

濟南汎舟水底見山有感而作

南山已在風塵外更恐飛埃浣碧巔  
一棹晚涼波底看洛沂面目本天然

洛陽同裕之欽升賦

日上煙花一片紅崧却西峙洛川東  
纔聞候騎傳青蓋又見牽羊出絳宮  
事去關河不橫草秋來陵寢但飛蓬  
書生不奈興亡恨斗酒聊澆磊磊胸

啓母石同裕之賦

千古崩崖一罅開強將神恠附郊禰  
無情頑石猶胎謫貝錦從爲巷伯哀

贈答麻信之

并序

麻弟避兵渡河徑謁裕之

于崧高夤緣一見相與之意甚厚既留數日

又將過吾景玄于女几之陰維元劉國士也  
 而弟游於其間則弟之為人可知已臨行復  
 長歌相贈清平豐融盖他日未易量也愛仰  
 不足詩以送之

五老英靈未陸沉一枝高秀出詞林珪璋自是清  
 朝器律呂偏諧治世音此去文章足知己後來功  
 用只齋心濟時相約元劉了索我雲山深復深

雪

風定雲仍暖天圍四顧低紛紛俄攬野浩浩欲平  
 溪樵擔婦時重漁舟望處迷飢雅空繞樹若箇可  
 安棲

宮鴉

萬樹瓊芳鎖漢宮群鴉容與五雲中曙光先背朝  
 陽日春信頻呼禁籞風青鬢巧梳欣一色秀眉學  
 画闥新工鳳樓未訝啼聲切愁滿長門信未通

洮石硯

緹囊深復有滄洲  
丈石春融翠欲流  
退筆成丘竟何益  
乘時真欲礪吳鉤

馬上見桃花

九衢鞍馬苦塵腥  
忽見溪桃倦意醒  
未必施朱便  
簷俗最憐滌露出  
娉婷城東詩老圖  
幽絕水上仙  
即記窈冥何似玉  
堂留故事  
賣花檐上有丹青

叔獻兄歸隱崧山有詩見及依韻奉寄

幾百千年一敬通  
飄飄袂振孤風  
平生自處神

明在衰俗無從議論  
公韶箭向來儀彩鳳  
弋繒何苦慕冥鴻  
他年杖屨相尋處  
三十六峯雲霧中

劉御史雲卿挽詞二首

氣幹參天擬萬尋  
聖門梁棟自堪任  
勇冠岳岳鋒稜峻  
鳧鳥翩翩惠愛深  
可恐佳城玉埋土  
最哀慈幄五雷襟  
傳家賴有雙珠在  
不爾何如慰士林

又

少同里閭早知音  
投分交情雨舊今  
鄉校聯裾春

誦學上庠連榻夜論心南山松桂愁霜殞北地乾坤恨日侵不得生芻躬一奠西風吹淚滿衣襟

題黃華江皋烟樹二首

疎柳靜苑亭亭下長江路不見亭中人蕭蕭烟景

草

又

江山萬里眼一亭畧約之黃華未死在看取画中

詩

送李執剛致仕歸洛

漕計中興屬老成引年陳請獨崢嶸果能辦此公  
真勇愛莫番之我愴情塵空恐驚黃鵠舉烟波不  
負白鷗盟洛陽去去春如錦晝日神仙看地行

梨花得紅字

雪作肌膚玉作容不將妖艷嫁東風梅魂何物三  
春在桃臉真成一笑空雨細無情添寂莫無情亦作淚痕  
月明有意助豐融有意助亦作真態更相如病渴妨文賦想

像甘寒結小紅

河山形勝圖

高峯巨壑與天連中國關防表裏全北岬塵氛重  
回首不如圖上看風煙

次裕之韻兼及景玄弟

名勝相煥半成灰戰退紛華旆始迴文字喜逢脩  
月手津梁愧乏濟川材等閒有酒輒共醉信口哦  
詩不置才最憶平生劉子駿紫芝可惜不偕來

愛詩李道人若愚崧陽歸隱圖

我家崧前凡再葺詩僧騷客相追隨春葩繽紛香  
澗谷夏泉噴薄清心脾霜林置酒曳錦障雪嶺探  
梅登玉螭重陽夜宿太平頂天雞夜半鳴嗒咿整  
冠東望見日出金輪湧海光陸離神州赤縣入指  
顧風埃未靖空噓歔窮探極覽不知老泉石佳處  
多番題簡書駢出踏朝市期會迫窄愁鞭笞襟懷  
塵土少清夢齒頰棘荆真白癩叩門剝啄者誰子



道人面有熊豹姿披圖二室忽當眼貫其編貝多  
 文辭我離山父詩筆退摹寫豈復能清奇再三要  
 索不忍拒依依但記經行時道人愛山復愛詩嗜  
 好成癖未易醫山中詩友莫相厭遠勝薰酣聲利  
 乾沒兒

李右司獻能 二十首

獻能字欽叔河中人年二十一以省元賜  
 第廷試第一人宏詞優等授應奉翰林文

字在翰苑凡十年出為鄜州觀察判官用  
 薦者復應奉俄遷脩撰以鎮南軍節度副  
 使充河中經歷正大八年河中陷獨得一  
 船走陝州被召以道梗不能赴就權陝府  
 行省左右司郎中軍變遇禍欽叔資稟明  
 敏博聞強記輩流中少見其比為人誠實  
 樂易洞見肺腑世間狡獪變詐纖悉無不  
 知然羞之不道也與人交不立崖岸盃

酒相然諾赴難解紛不自顧惜雖小書生  
以愛兄之道來亦殷勤接納傾筐倒庋無  
復餘地時輩以此婦之家故饒財盡於貞  
祐之亂京師冷官食貧口眾無以自資太  
夫人素豪侈厚於自奉小不如意則有金  
魚墮地之譴人視之殆不堪其憂而欽叔  
處之自若也欽叔文章行業過人處甚多  
而天下獨以其純孝為不可及云

贈王飛伯雜言一首

東風吹客衣敗絮逐風飛曉雪沒寒薺無物克朝  
飢空簞嘖嘖號飢鼠饜蝨蠕蠕緣破袴人生豈是  
犬與雞終歲區區守門戶游說萬乘苦不早儀秦  
殆是穿窬盜六國印千金車滿眼榮華鏡中老孔  
子聘列國孟軻游齊梁能令千載後名與日月光  
男兒生世不虛生死恨身後無聲名不然鳴玉遊  
紫京不然著書談六經九日可射天可補鞭笞百

蠻作降虜離騷一篇亦不惡  
 雄筆盤盤映千古君不見  
 彩鳳翔丹霄一鳴應九韶  
 寸雲起泰山霖雨滿人間  
 丈夫窮達果在天安用兒  
 女得志相歎羨矢志相悲  
 憐仰天大笑出門去四海  
 今誰魯仲連

夜宿虛皇閣下

倚天青壁截雲霞一水高懸  
 界削瓜不惜鈴竝禁石磴  
 要看絢爛圻雲華玉峰影裏  
 虛皇閣鐵笛聲中祕監家  
 明日川塗入塵土却應平地  
 幾衰斜

玉華谷同希顏裕之分韻得秋字

玉龍落峽噴飛流空翠霏霏  
 晚不收軟脚山堂一壺酒  
 算涼閒對兩峯秋

四皓圖

弋繒安足致冥鴻自是兼懷  
 翊贊功謾說壺關有遺老  
 望思臺上已秋風

二老雪行圖二首

自笑膠膠擾擾身十年匹馬  
 走紅塵何時雪滿平

生履太華峰前約故人

又

抱琴衝雪又衝風二老風流阿睹中未似村翁眇  
抹眼火爐頭上話年豐

別馮駕之

東風弄微寒吹雪作輕陰春歸未得歸愁攬客子  
心與君俱異縣那復重分襟感時復恨別老懷苦  
難任憶昨滎陽會燈火語夜深縱談閒非語浩歌

雜狂吟相期梁宋游感君肯相尋西園偶差池市  
樓成孤斟相逢洧水湄暫爾成盍簪燕鴻還別去  
又復如商參我行落日邊匹馬獨登臨君方無定  
在倦翼思茂林人堪幾回別老境各駸駸洧水不  
西流雙魚定沉沉幸有西飛鴻無吝金玉音

昆陽元夜南寺小集

春皋短短生蘭芽東風嫋嫋吹芳華暗黃着柳小  
梅素月姊新年恰十五東皇太一來翩翩竹宮神

光祀甘泉茂陵弓劍沒秋草鳳燈煌煌空自然當年曼衍魚龍舞回頭昭陽化飛土昆陽客舍冷于冰破殿蕭條佛燈古雪消梁苑想春紅車如流水馬游龍銀鉞載酒隨春風酒酣一嚼百杯空韶華過眼弦上箭人生得酒從歡醺北斗闌干夜叅半耿耿踈星淡河漢

追憶潁亭汎舟寄陽翟諸友

十月冬氣寒清霜頌群木輕舟汎潁水微風吹野

眼信流不知還石艇橫老玉苔花錦爛斑懸璠珠麗殺頗離塵市雜倒瀉軒裳俗歲月今幾何春草萋以綠懷歸劇飢渴仰羨雙飛鵠矯首九山雲迢迢傷遠目

郊城秋夜懷李仁卿

日入群動息暝色陰濛濛故人隔潁水孌孌生秋風輕風捲纖雲碧漢磨青銅坐久襟袖涼皎月升天東伊人如此月霽色羅心胸可望不可親條已

駕飛鴻念此太虛間  
 心交神自通而况千里月相  
 望寧不同孤光透薄帷儼如接  
 音容翻翻繞枝鶻  
 唧唧侵堦蛩上床轉不寐  
 高樓待晨鍾相思夜何  
 永月落秋床空

題飛伯詩囊飛伯以布爲囊采當世名卿詩

投其中

穎露毛雖祗自賢  
 智如樽腹但求全  
 迂疎差似淵  
 才富羞澀猶無杜  
 老錢收拾珠璣  
 三萬斛貯儲風

月一千篇嘔心大勝奚奴錦  
 要與風人被管絃

送王飛伯歸陽翟

故舊相望似曉星  
 平生懷抱向君傾  
 朱絲不入箏  
 箏耳彩鳳終儀韶  
 漢聲三楚迢迢動離思  
 九山落  
 落助高情一屢擬  
 就隆中卧要子同躬  
 攏上畊

西園春日

的鑠冰梢出短墻  
 泓澄暖綠靜橫塘  
 娟娟高竹迎  
 人翠嫋嫋長紅隔  
 水香病起心情踈  
 酒醖朝來風

色妬年芳只應歸去共窗晚夢到湘妃錦瑟傷

滎陽古城登覽寄裕之

突兀高臺上古城登臨人境兩崢嶸關河落日歲  
云算草木臨風氣未平虎擲龍拏王伯事天荒地  
老古今情一盃欲洗興亡恨為喚窮途阮步兵

從獵口號四首

蓮燭金紗簇簇齊宮槐籠曉尚淒迷景陽鍾罷聽  
殘漏萬馬銜霜不敢嘶

又

閶闔傳符啓九關一聲清蹕駐南山虎賁先導三  
千士天馬初離十二閑

又

爛爛龍旂捧日旂從臣遙認赭紅衣天王清曉親  
孤矢初合今冬第一圍

又

的礫金鏡隨曉星晴天霹靂應弦聲風毛雨血燕

雲在未要草間狐兔驚

上清宮梅同座主閒閒公賦

歌住廬家白玉堂琳宮瀟灑占年芳  
光生琪樹風霜古影占銀潢  
月露涼物外根株本仙種  
世間紅紫避嚴粧  
遨頭詞伯今何遜  
一笑詩成字字香

丹陽觀竹宮中移賜

素士如林侍紫清  
紫清清新許住蓬瀛  
娟娟粉節霜勻出  
蠹蠹煙梢玉削成  
福地根莖蒙化育  
中天雨

霽借恩榮綠章封事朝來奏  
又聽風前彩鳳鳴

王右司渥 一十一首

渥字仲澤以字行興定二年進士調管州  
司候不赴壽州防禦使邦獻商州防禦使  
國器武勝節度庭玉愛其才連辟三府經  
歷官在軍中凡十年舉寧陵令未赴丁太  
夫人憂廬墓三年服除復授寧陵令大七年  
朝廷與宋人議和擇可為行人者仲澤以



才選凡再至揚州制司宋人愛其才有中  
州豪士之目使還以寧陵課最遷一官入  
爲尚書省掾三月即授太學助教充樞密  
院經歷官八年院廢權右司郎中中牟失  
利不知所終仲澤博通經史有文采善談  
論工書法妙于琴事詩其專門之學人物  
楚楚若素宦于朝吏事則與冀京又相上  
下其辯博又屏山所許天下談士三人之

一也嘗與予行內鄉山中馬上賦詩云霜  
風十月餘千山錦嶂又九日登潁亭見  
寄云茫茫襄城野歲晏多風埃野田半已  
荒草蟲鳴更哀西風吹白雲大隗安在哉  
七聖之所迷而我胡爲來我本林野人初  
無經世材失身鞍馬間坐令雙鬢摧安得  
元紫芝共舉重陽杯詩成西北望九山鬱  
崔嵬此詩脫遺處不復能記憶讀之尚可

以見斯人胸懷之髣髴

仲澤頴上詩不才被棄翻為福拙計

無營却似高是處青山可埋骨誰家白酒不消憂夕陽轉屋卧林影急雨壞橋喧水

聲人喜傳之

頴亭

三載西湖阻勝遊頴亭聊喜散羈愁  
九山西絡煙霞去一水南吞澗壑流  
賓主唱酬空翠琰干戈橫絕自滄洲  
怱怱匹馬從軍去慙愧烟波萬里鷗

有寄

十年鐵馬暗京華客子飄零處處家  
征雁久疎河朔信小梅重見汝南花  
樓樓活計依簷雀冉冉年光赴壑蛇  
舊雨故人應念我不來聯句夜煎茶

寄京父

憶昔相從在寢丘城南城北縱歡遊  
杏花聯句香隨馬野水添杯浪拍舟  
邂逅又成三月別飄零合負一春愁  
汝陽淮甸經行徧應有新詩為我留

餐秀軒

秋風幾日搖霜樾秋色南山兩奇絕野人窗戶終  
日開要看千秋秦嶺雪層崖深谷相吐吞落日白  
鹿東南奔野花雙堦古蘭若樓觀縹緲烟霞昏玉  
山生玉人不識草木四時空好色輞川舊與藍橋  
通細水至今流石室一川黃葉長安秋望望不見  
令人愁書生不是濟時具收得閒身成此遊主人  
開筵留客醉山雨多情濕征袂明朝騎馬上七盤  
回首山家但空翠

遊藍田

甲申之秋月建成我行商顏正落木山英似與行  
子期撥霧披雲到山腹古潭千丈照錦峰下有螯  
龍上棲鶴高風吹雪已多時熊耳雙尖寒欲縮新  
乘一水出龍湫驚見千峰遮木榭南山秀拔北山  
雄劍戟森然對群玉崎嶇直過藍田西始見商山  
真面目悟真峽口忽中斷天末脩眉画濃綠此峽  
何年得此名曾有金仙構華屋西巖石室懸細水

萬斛瓊珠輸軻谷行人尚說有七盤瘦馬已愁疲  
 百曲風門放眼望秦川擾擾更嗟塵界跼去年游  
 騎渡葭蘆萬里橫行如鬼速灞陵原下馬飲血太  
 華峰頭虎擇肉今年九月未防秋始見登場有新  
 穀一鞭算指古招提疎雨有情留客宿主人聞客  
 喜相接尊酒笑談如昔夙蹇予懶散本真性臨水  
 登山此生足一行作吏志益違十載從軍雙鬢禿  
 官家後日鑄五兵便擬買牛畊白鹿

送裕之還嵩山

高懷不受簿書侵清潁鷗盟欲重尋老去宦情知  
 我薄閒來道念見君深對床夜雨他年夢滿馬西  
 風此日心嵩頂勝游誰得共仙間仙馭待知音

用古仙人詩語

古仙人辭今附于此

夢入雲山宮闕幽鶯鶯同侶駕鳳流桂月竟夜  
 光不收世俗擾擾成囂湫醉飛星馭鞭金虬八

仙浪迹追真游龜玉筌蹄二十秋摩霄注壑須  
 人求覓劍如或笑刺舟陽燧非無角綺儔元鼎  
 以來虛崑丘東井徒勞冠帶脩松食竹飲度屨  
 樓崧頂坐嘯垂直鉤祗應慙愧劉幽州

知音者無惜

跡

興定庚辰夏六月望予與元好問遊郡李

獻能同游玉華谷又將歷崧前諸刹因憩  
 於少姨廟元周行廊廡得古仙人詞於壁  
 間然其首章直屋漏雨為所漫剝殆不可

辨乃磴木石而上拂拭汎滌迫視者久之  
 始可完讀觀其體則柏梁事則終始二漢  
 字畫在鍾王之間東井又元鼎所都幽州  
 必賢宗子虞也夫眷眷不忘幽州者非吾  
 田疇尚誰歟田復所事之讎却曹瞞之賞  
 衰俗波蕩中挺挺有烈丈夫風氣其死而  
 不忘蓋無疑其能道此語亦無疑觀者不  
 應以文體古今之變而疑仙語也噫仙山

靈岳宜有閔衍博大之真人往來乎其間  
 而世人莫之識也予三人者乃今見之夫  
 豈偶然哉再拜留跡以附知音者末渾源  
 雷淵題此詩為仙語無疑然直謂田疇則  
 似亦未安屏山李純甫題

遊丹霞下院同裕之鼎玉分得留字  
 霜落豐山白水收歲華全在竹園頭賦詩鞍馬慙  
 真賞載酒林泉阻勝游野色自隨人意遠夕陽應

為鳥聲留仙源回首旌旗隔一笛西風喚客愁

下寺土人以竹園頭名之

驛口橋看白蓮

陰陰喬木障晴暉的的冰蘂照碧漪秋暑困人仍  
 御扇晚風生竹却添衣百年蓬鬢關心切千里萼  
 羹與願違杖屨頻來約他日不妨先築釣漁磯

蒙城縣齋

穀雨連朝沒麥場官糧未入長官忙堦庭有雨青

鞋開牢戶無人白日長

三門津

層崖摩蒼穹四月號陰風大河三門險神禹萬世  
 功他山亦崔嵬砥柱獨尊雄雷霆日鬪擊悍暴愁  
 天公劉侯智有餘始令舟楫通仍餘石上穴飛棧  
 曾連空遙瞻白玉枝挺植丹竈中仙公去不返此  
 事真冥蒙夫人與鼓崖怪幻尤難窮獨喜兵火餘  
 巋然出新宮當時疏鑿意四海要會同誰知千歲

後築壘防嘯寇詩成一大笑浩浩洪波東

被檄再至揚州制司驛亭有題詩譏予和事  
 不成者云來往二年無一事青山也解笑行  
 人因爲解嘲

二年奔走道途間知被青山笑往還只向江南南  
 岸老行人應更笑青山

冀都事禹錫 二首

禹錫字京父龍山人崇慶二年進士調沉

丘簿與縣令者不相能及令以賊敗疑京  
又發之乃賂遺權貴誣京又以賓客依託  
之事坐廢十年朝臣薦其才者積數十人  
終爲銓曹所礙居襄邑部使者起之攝尉  
近諸縣所至有父母之愛農司治許昌又  
爲主事區處餽餉上下千餘里不露聲迹  
而條畫次第皆具雖鱗雜米鹽若不足經  
意者問之即應如指諸掌一時吏如康伯

祿李欽止諸人多自以為不及也正大中  
當路諸公極力辨其被誣乃得以常調守  
扶風丞召補省掾不就歸德奏充知事及  
城被攻京又爲經歷官守禦之策一府倚  
重之車駕至授左右司都事兼應奉翰林  
文字官奴之變家人勸京又羸服免禍不  
從人有自外至者京又問賊入禁中否曰  
禁中賊滿矣乃自投水中在京師時希顏



仲澤欽叔京父相得甚歡升堂拜親有昆  
 弟之義而不肖徒以文字之故得幸諸公  
 間希長予六歲澤長四歲欽與京少予二  
 歲希沒于正大辛卯之八月年四十八澤  
 沒于明年之七月年四十七欽沒於其年  
 十一月年四十一歲京沒於又明年之三  
 月年四十二歲不二三年而五人者惟不  
 肖在耳今日錄諸君子詩感念平昔不覺

流涕之被面也

僧房

上方樓觀袂衣寒霜後  
 師休作長官看

川原眼累寬我是禪房未  
 庵馮丈

如風手力振

臺綱事所難人道千鈞羞

照解漂山

明時士論知無負晚歲文

說嵩前岳

芝老白雲倚杖待君還

